

84 6.24 3/19

Pelajar banteras dadah, jenayah dalam masyarakat

Jelebu: Seramai 51 pelajar Sekolah Menengah Kebangsaan (SMK) Dato' Undang Syed Ali Al Jufri (SMK DUSAJ) turun padang mengadakan kempen pendidikan pencegahan dadah dan jenayah sekitar pekan Kuala Klawang.

Guru Bimbingan Kaunseling Sepenuh Masa SMK DUSAJ, Puan Azriah Mohd Azmir, berkata pelajar berkeinginan terdiri daripada pembinaan rakan sebaya (PRS) dan ahli kelab pencegahan jenayah sekolah.

Beliau berkata, pelajar menjalankan kaji selidik berkaitan dadah dan jenayah kepada orang ramai di sekitar Pasar Tani Kuala Klawang, Stesen Minyak Petronas dan Maybank Kuala Klawang.

"Program ini juga bertujuan memberi kesedaran kepada pelajar mengenai tanggungjawab bersama

membanteras penyalahgunaan dadah dan jenayah serta mengedar risalah kepada masyarakat mengenai masalah berkenaan.

Tampil yakin

"Selain itu, kita mahu pelajar mempunyai keyakinan diri untuk tampil berkomunikasi dengan orang ramai dalam menyampaikan mesej antidadah dan pencegahan jenayah," katanya ketika ditemui pada program berkenaan di Pasar Tani Kuala Klawang.

Program dirasmikan Pengerusi Jawatankuasa Pertanian Dan Industri Asas Tani negeri, Encik Bakri Sawir. Yang turut hadir, Ketua Balai Polis Kuala Klawang, Asisten Superintendan Noraini Nordin dan Ketua Pegawai Agensi Antidadah Kebangsaan (AADK) Jelebu, Puan Nurhanani Mohd Nor.

Sementara itu, Puan Azriah berkata, kaji selidik dijalankan kepada pelajar akan diserahkan kepada pihak polis dan AADK yang turut memerlukan maklumat orang ramai.



Pelajar SMK DUSAJ menemui orang ramai bagi menyampaikan risalah pencegahan jenayah dan dadah di Pasar Tani Kuala Klawang.



Encik Bakri bergambar bersama-sama guru dan pelajar SMK DUSAJ selepas perasmian Kempen Pendidikan Pencegahan Dadah dan Jenayah.

Erat hubungan

Katanya, usaha itu akan merapatkan hubungan pihak polis dengan sekolah sekali gus membuktikan polis dan masyarakat berpisah tiada.

"Kaji selidik dijalankan pelajar akan diserahkan kepada Jabatan Pencegahan Jenayah dan Komunikasi (JPJK), Ibu Pejabat Polis Daerah Jelebu untuk tinjauan lanjut," katanya.